



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 52. Tractatus Ratrani de Evcharistia.

---

[urn:nbn:de:hbz:466:1-66103](#)

difficilia intellectu videbantur, exposuit, Sæculum IX.  
 responditque Paschasius suam sententiam A.C. 859.  
 defendens; nimirum, idem esse JESU  
 Christi Corpus in Eucharistia quod de Vir-  
 gine natum est, illudque simul Rem ipsam  
 esse & Figuram. *Relege*, inquit in fine,  
*librum*, quem de hoc argumento edidi; licet  
*enim pueris scripserim*, audio tamen, hoc  
*Scripto me complures viros ad comprehen-*  
*dendum hoc Mysterium*, atque cogitatio-  
*nes JESU Christo dignas concipiendas ex-*  
*citasse*. Huic epistolæ illum locum Com-  
 mentarii sui in Matthæum, quem super-  
 ius retuli, & quædam alia loca ex Pa-  
 tribus junxit.

## §. LII.

*Tractatus Ratrami de Eucharistia.*

Ergo Odomi Abbatis ætate Ratramus *Mabil. præf.*  
*Presbyter & Monachus Corbejensis, to. 6. n. 81. 83.*  
 hanc provinciam sibi demandante Caro- *Ratram.*  
 lo Calvo, Tractatum de Corpore & San- *edit. Paris.*  
 guine Domini scripsit, quem ad præfa. 1686. n. 5.  
 tum Principem direxit. Hujus Libri ar-  
 gumentum ipse Ratramus exponit in  
 hunc modum: *Quærit tua Majestas, an*  
*quod in Ecclesia ore Fidelium sumitur,*  
*Corpus & Sanguis Christi in Mysterio fiat,*  
*an in veritate; id est utrum aliquid se-*  
*creti contineat, quod oculis Fidei solum-*  
*modo pateat, an sine cujusque Mysterii ve-*  
 XX 4 *lamine*

Sæculum IX. A. C. 859. *Iamine hoc oculi corporis intueantur exterius, quod mentis visus inspicit interius, ita ut totum, quod agitur, in manifesta luce clarescat. Secundo quæris, Rex, utrum ipsum Corpus sit, quod de Maria Virgine natum, passum, mortuum, sepultum, post resurrectionem in Cælum ascendens, & ad dexteram Patris sedens. (\*) Ex his duabus quæstionibus duæ Partes libri ipsius constant. Posterior quæstio contra Paschasiū pugnat, affirmantem, Corpus IESu Christi in Eucharistia idem esse, quod natum de Virgine. Sed prior quæstio Paschasiū non adversatur, qui in suo Tractatu de Eucharistia diserte assertit, eam simul esse Veritatem & Figuram. In epistola vero sua ad Frudegardum dicit: Si quis affirmat bane carnem & bane sanguinem carere Mysterio & figura, totum Sacramentum dissipat.*

Tunc autem ex Catholicis viris non nulli omnino negabant, panem & vinum figuram esse Corporis & Sanguinis IESu Christi, nisi hoc fundamento, quod cum signum non sit res ipsa, cuius signum est, tunc non amplius Corpus & Sanguis IESu Christi adesset. Hæc opinio sub idem tem-

---

(\*) Est idem omnino corpus; sed modo Sacramentali, supernaturali & nobis non perceptibili existens.

tempus ab Haimone Episcopo Halbersta- Sæculum IX.  
 diensi post S. Joannem Damascenum de- A. C. 859.  
 fendebaratur, quam Ratramus oppugnat, *Haim.* de  
 dicens, ex illa sequi, nullum Evcharistiæ *Corpor. &*  
 inesse Mysterium, & inde rursus nullam *Sang. Da-*  
*Fidei* materiam. At illi, contra quos Ra- *masc. IV.*  
 tramus disputat, non admittebant istud  
 sequi; imo Haimo diserte contrarium  
 affirmat, gustum & figuram panis & vini  
 permanere, ut sine horrore sumantur,  
 quamvis utriusque Substantiæ natura in  
 Corpus & Sanguinem JESU Christi omni-  
 no fuerit mutata; sed aliud esse, quod  
 sensibus objicitur, & aliud quod Fides  
 nos docet.

Hinc Ratramus Adversarios suos non n. 15.  
 arguit, ipsos negare, quod de fide cre-  
 dendum est, sed solum sibi ipsis contradicere. *Quippe, confitentur, inquit, secun-*  
*dum Fidem, Evcharistiam esse Corpus &*  
*Sanguinem JESU Christi, & ex consequen-*  
*ti non esse id, quod prius fuit.* (\*) Superius autem Fidem suam de hoc Mysterio  
 explicaverat in hunc modum: *Exterius*  
*quidem panis, quod ante fuerat, forma præ-*  
*tenditur, color ostenditur, sapor percipi-*  
*tur. Ast interiis longe aliud multoque*

Xx 5              pre-

(\*) Hic ex Ratramo, quem Cave pro sua Hæ-  
 resi subdole adducit, probatur Transubstantatio  
 Catholica.

Sæculum IX. pretiosius, multo excellentius intimatur,  
A. C. 859. quia cælestē, quia Divinum, id est Christi

S. Euchari-  
stiæ Sacra-  
mentum. Corpus, quod non sensibus carnis, sed ani-  
mi fidelis contuitu aspicitur, accipitur, &  
comeditur. Vinum quoque, quod Sacerdo-

n. 10. tali consecratione Christi Sanguinis effici-  
tur Sacramentum, aliud superficie tenus  
ostendit, aliud interius continet. Quid  
enim aliud in superficie quam substantia  
vini conspicitur? (\*) At interius si con-  
sideres, jam non liquor vini, sed liquor  
Sanguinis Christi credentium mentibus &  
sapit dum gustatur, & agnoscitur dum  
conspicitur, & probatur dum odoratur.  
Item, Panis qui offertur, ex frugibus ter-  
ræ cum sit assumptus, in Christi Corpus,  
dum sanctificatur, transponitur, sicut &  
vinum cum ex vite defluxerit, Divini ta-  
men Sanctificatione Mysterii efficitur San-  
guis, non quidem visibiliter, sed operan-  
te (\*\*) invisibiliter Spiritu Sancto. Un-

de

---

(\*) Quot verba tot tela, quibus Novatorum  
doctrina confoditur!

(\*\*) S. Spiritum per Divinam suam Omnipot-  
tentiam in Evcharistia aliquid operari, ex Testi-  
monio SS. Patrum, aliorumque Ecclesiæ Catholi-  
cæ Doctorum centies probatur. Edicant vero  
Protestantes! quid demum Dei Omnipotentia  
dignum in Evcharistia fiat, si vera Christi caro  
non ponatur? Nec eos juvat dicere: etiam in  
Baptismo

de & Sanguis & Corpus Christi dicuntur, Sæculum IX.  
quia non quod exterius videntur, sed quod interius Divino Spiritu operante facta sunt, accipiuntur, & quod longe aliud per potentiam invisibilem existant, quam visibiliter apparent. (\*) Et rursus: Ex his omnibus, quæ sunt hactenus dicta, monstratum est, quod Corpus & Sanguis Christi, quæ Fidelium ore in Ecclesia percipiuntur, figura sunt secundum speciem visibilem; at vero secundum Substantiam invisibilem vere Corpus & Sanguis Christi extant. Itaque prima quæstio, quam pertractat Ratramus, non in eo sita est, an Evcharistia sit vel figura, vel Res ipsa, sed an præter Rem ipsam etiam figuram contineat. (\*\*)

Quæ-

Baptismo Dei omnipotentis Gratia operatur. Nam in Baptismo quidem Deus omnipotens Sanctificationem in homine Baptismum recipiente operatur; at si totius Sacrae Antiquitatis testimonia pensentur, in Eucharistia, priusquam a Christiano recipiatur, aliquid ab omnipotentia Dei efficitur, quod nihil aliud quam vera & realis IESU Christi præsentia esse potest.

(\*) Hic iterum confutatur Cave, Transubstantiationem a solo Paschasio primum vulgatam dicens.

(\*\*) Nempe res ipsa Corpus & Sanguis IESU Christi sunt, Figura autem species panis & vi-

ni.

Sæculum IX. Quæstio secunda in hoc vertitur; an  
A. C. 859. Corpus JESU Christi in Eucharistia sim-  
Mabil. præf. pliciter idem sit, quod natum ex Virgine  
n. 51. n. 119. est. Id affirmaverat Paschasius, nixus te-  
Pasch. de stimonio S. Ambrosii. Sed hæc clarissima  
Corp. c. I. assertio nova visa est Rabano & complu-  
 ribus aliis viris doctis, qui explicantes  
 alia Patrum loca dicebant, duo JESU Chri-  
 sti Corpora esse distinguenda, Naturale,  
 & Evcharisticum, id est, ut hodie lo-  
 qui solemus, duos dari modos, quibus  
 idem Corpus existit, unum Naturalem &  
 sensibilem, alterum supernaturalem &  
 Mysticum; nam Scriptores omnes de  
 reali Præsentia consentiebant. In isto  
 p. 61. igitur sensu Ratramus dicit: *Corpus, quod*  
*sumpsit de Maria Virgine, quod passum*  
*fuit, quod sepultum, quod resuscitatum,*  
*erat verum Corpus, id est, visibile & pal-*  
*pabile; econtra Corpus, quod appellatur*  
*Mysterium Dei, non est corporale sed spiri-*  
*tuale, unde etiam nec visibile nec palpa-*  
*bile.* Jam liquet, has duas Quæstiones  
 circa modum explicandi existentiam  
 Christi, non vero circa Mysterii Substan-  
 tiam fuisse versatas. Ceterum fatendum  
 in

---

ni. Imo etiam modus, quo Agnus Dei in Sacri-  
 ficio Missæ sine sanguinis effusione immolatur, si  
 cum morte cruenta in Cruce tolerata compara-  
 tur, figura est.

in Tractatu Ratrami occurrere formulas Sæculum IX.  
loquendi duras & obscuras, quæ per lo- A.C. 859.  
ca clariora explicandæ sunt, quia Auctor  
in Communione Ecclesiæ nunquam non  
extitit.

§. LIII.

*Scriptum Anonymi contra Pascha-  
sium.*

Scriptum Anonymi contra Paschasiūm, to. 6. Att.  
quod habemus, duas Propositiones Ben. p. 591.  
in ipsius Opere contentas impugnat;  
primam, quod Corpus JESU Christi in  
Evcharistia sit idem, quod natum est e  
Virgine; alteram, quod JESUS Christus  
toties patiatur, quoties Missa celebratur.  
Nullibi appareat, Paschasiūm hanc poste-  
riorem propositionem in medium attu-  
lisce; unde patet, istud solummodo ab  
Adversario ex doctrina Paschasiūi fuisse de-  
ductum. Anonymus vero ille Scriptum  
suum ita exorditur: *Cuncti Fideles cre-  
dere debent, & confiteri, Corpus & San-  
guinem Domini esse verum Corpus & ve-  
rum Sanguinem. Quicunque hoc negat,  
infidelem se manifestat.* Tum post pau-  
ca interjecta; *bis adjicio; cum JESUS  
Christus sit Veritas, & verus Agnus Dei,  
qui singulis diebus pro vita mundi Mysti-  
ce immolatur, ita per consecrationem &  
omnipotentiam Spiritus Sancti panis in  
veram*